

Leyfisskilmálar / Notendaleyfissamningur

Fyrir notkun Auðkennisappsins, app sem gerir notendum kleift að nýta rafræn skilríki í snjalltækjum

1 Inngangur

Leyfisskilmálar þessir gilda um notkun notanda á Auðkennisappinu í núverandi útgáfu og hverri þeirri útgáfu sem síðar kann að vera gefin út, hvort sem er með minniháttar eða meiriháttar breytingum og viðbótum. Leyfisskilmálar þessir gilda ekki um notkun, traust eða útgáfu skilríkja sem gerð eru aðgengileg í gegnum appið. Breytingar á þessum leyfisskilmálum verða gerðar aðgengilegar skilríkjahöfum og ábyrgðaraðilum.

Með því að hlaða niður appinu, nota það eða nýta það með öðrum hætti, samþykkir notandi fortakslaut að vera bundinn af leyfisskilmálum þessum við alla nýtingu þess. Synjun á samþykki leyfisskilmála þessara leiðir til afturköllunar á heimild notanda til nýtingar appsins. Með samþykki notanda á leyfisskilmálum þessum kemst á bindandi samningur milli Auðkennis og notanda um notkun á Auðkennisappinu.

Auðkennisappið er alfarið eign Auðkennis og birgja þess, appinu getur verið breytt eða hætt dreifingu þess án þess að komi tilkynning um slíkt án þess að það skapi Auðkenni bótaskyldu.

Ákvæði íslenskrar útgáfu þessara skilmála ganga framar útgáfum á öðrum tungumálum komi fram ósamræmi í texta.

2 Skilgreiningar

Auðkennisapp: app fyrir snjalltæki sem gerir aðgengi að rafrænum skilríkjum á snjalltækjum möguleg.

Notandi: sá sem hefur snjalltækið í sínum vörslum og ákveður að hlaða niður Auðkennisappinu eða nota appið eftir að því hefur verið hlaðið niður. Notandi getur verið annar en ábyrgðaraðili.

Rafræn skilríki: Rafræn skilríki Auðkennis eru gefin út undir milliskilríkinu Fullgilt auðkenni. Almennir skilmálar Auðkennis fyrir rafræn skilríki gefin út undir Fullgildu auðkenni gilda um notkun, traust og útgáfu rafrænna skilríkja. Skilmálarnir eru aðgengilegir á heimasíðu Auðkennis.

Snjalltæki: færanlegur búnaður (t.d. farsími eða spjaldtölva) sem keyrir á séraðlöguðum stýrikerfum (t.d. Android eða iOS).

3 Leyfi

Notanda er veitt takmörkuð, afturkallanleg, almenn, óframseljanleg og einstaklingsbundin heimild til þess að hlaða niður, setja upp og nota Auðkennisappið í persónulegum tilgangi, að því gefnu að notandinn samþykki leyfisskilmála þessa. Leyfið gildir fyrir snjalltæki sem notandinn á eða hefur á sínu forræði.

4 Takmarkanir á leyfi

Notandinn staðfestir að hann mun ekki sjálfur eða leyfa öðrum að ráðstafa appinu eða nálgast það, með hvaða hætti sem er, eða að hagnýta sér það í viðskiptalegum tilgangi með öðrum hætti.

Notandinn má ekki afrita (nema að því marki sem sérstaklega er heimilað í leyfisskilmálum þessum), bakþýða, taka í sundur eða gera tilraun til þess að komast að kóða appsins, uppfærslna eða einstakra hluta þess.

5 Notkun á ábyrgð notanda

Notandi gerir sér skilmerkilega grein fyrir og samþykkir að notkun Auðkennisappsins er alfarið á hans ábyrgð að því marki sem gildandi lög leyfa. Appið er boðið í því ástandi sem það er („as is“) með öllum mögulegum göllum. Auðkenni ber enga ábyrgð á gæðum þess, virkni, nákvæmni eða eiginleikum. Upplýsingar sem notandi fær frá Auðkenni, hvort sem er munnlega eða skriflega, geta ekki skapað Auðkenni ábyrgð.

6 Takmörkun ábyrgðar

Að því marki sem gildandi lög leyfa, skal Auðkenni ekki bera ábyrgð á neinu tjóni sem notandi kann að verða fyrir við notkun appsins, hvorki beinu né óbeinu tjóni, þar með talið en ekki takmarkað við tjón vegna missis hagnaðar, gagnamissis, viðskiptatruflana eða hvers kyns viðskiptatjóni.

7 Hugverkaréttur

Notanda er kunnugt um að Auðkennisappið inniheldur hugverkaréttindi í eigu Auðkennis og birgja þess og staðfestir að hann mun ekki nota upplýsingar sem njóta slíkrar verndar með nokkrum hætti sem brýtur gegn leyfisskilmálum þessum.

8 Persónuvernd og vinnsla persónuupplýsinga

Notanda er ljóst að við notkun appsins verða til upplýsingar um notandann, þar á meðal upplýsingar um notkunarhegðun, búnað, og stýrikerfi, sem er safnað reglulega til að auðvelda hugbúnaðaruppfærslur eða vöruaðstoð. Auðkenni er heimilt að nota þessar upplýsingar í ópersónugreinanlegu formi í þeim tilgangi að bæta afurðina eða bjóða notandanum þjónustu eða aðra tækni.

Nánari upplýsingar um vinnslu persónuupplýsinga má finna á vef Auðkennis.

9 Framsal

Framsal ábyrgðar notanda skv. leyfissamningi þessum er með öllu óheimilt. Auðkenni áskilur sér rétt til þess að framselja skyldur sínar skv. skilmálunum.

10 Gildistími

Leyfisskilmálar þessir eru birtir á vefsíðu Auðkennis og eru í gildi þar til þeir verða afturkallaðir eða þeim skipt út fyrir nýrri útgáfu. Skilmálarnir gilda fyrir hvern notanda frá því þeir hlaða í fyrsta sinni niður útgáfu af appinu eða frá þeim tíma sem hann byrjar fyrst að nota app sem þegar hefur verið hlaðið niður, hvort sem kemur fyrr, á hvaða snjalltæki sem er.

Auðkenni áskilur sér rétt til þess að afturkalla eða fella úr gildi leyfisskilmála þessa hvenær sem er og af hvaða ástæðu sem er án frekari upplýsingamiðlunar. Við slíka ákvörðun ber notanda að stöðva notkun appsins og fjarlægja allar útgáfur þess af snjalltækjum sínum.

Uppfærðar útgáfur af þessum leyfisskilmálum ná til allrar notkunar eða hagnýtingar appsins frá þeim tíma sem uppfærð útgáfa er birt.

11 Lögsaga, varnarþing og túlkun

Íslensk lög skulu ráða gildi skilmála þessara og túlkun ákvæða þeirra.

Rísi ágreiningur milli notanda og Auðkennis vegna notkunar eða nýtingar appsins, skal hann rekinn fyrir Héraðsdómi Reykjavíkur. Ef eitthvert ákvæði skilmála þessara er talið ógilt eða óframkvæmanlegt, verður slíku ákvæði breytt og skal túlkað til að ná fram markmiðum ákvæðisins, eins og unnt er samkvæmt gildandi lögum. Önnur ákvæði skulu munu halda áfram í fullu gildi og gildi.

12 Samskiptaupplýsingar

Auðkenni er með skrifstofu í Reykjavík, nánari upplýsingar má finna á heimasíðu félagsins audkenni.is. Einnig er hægt að hafa samband við félagið með því að senda tölvupóst á netfangið fyrirspurnir@audkenni.is eða í síma +354 530 0000.